



皇甫司勳集卷之九

吳郡 皇甫汸子循 撰

樂府十二首

乘法駕

乘法駕者正德壬午

武宗晏駕大宗伯毛澄奉

昭聖皇太后懿旨恭迎

興王 繼序即

天子位也當漢朱鷺

乘法駕出潛邸辭蘭坂臻楓陛握乾符奉慈旨橋

中傾碣呈字從臣觀稽首喜應 帝期稱 天子
泰階升更化始陋代來劣春起

乘法駕曲凡十六句句三字

釐廟制

釐廟制者嘉靖甲申追封

皇考獻皇帝越數歲九廟成也當漢思悲

翁

典禮成四海謚享祀禋九廟翼考明堂筵太室

獻皇躋 烈祖匹故鬼小幽靈假詠孝思歆明德

釐廟制曲凡十二句句三字

秩郊禋

秩郊禋者歲庚寅

上可給事中夏言議創建四郊是歲日南

至肇祀園丘也當漢艾如張

壇時準圓方神祇奠南北夕郎奏旣俞春卿議僉
集睿想孚筮從鴻圖表景測骨燎迎初陽寅威練
嘉日裸獻戾上公參乘簡元戚八駿夾電馳六龍
戴星出天路抗旌旄雲門間琴瑟殷薦升紫煙告
成瘞蒼壁齊幄肅華班旋塗厲清蹕靈貺展斯今
仁孝光自昔

秩郊禋曲凡二十句句五字

成皇史

成皇史者歲乙未

上命考古金匱石室之制以藏書寶祖訓也當漢上之回

成皇史函

帝籍金為匱石為室籤彙紛緝部甲乙邇文華充武庫簡鴻儒讐豕誤於萬斯年守之錮

成皇史曲凡十句其八句句三字二句句七字

展陵

展陵者歲丙申

上以壽陵之役巡遊昌平臣為都水使者除道西山也當漢翁離

帝眷園寢謁款丘陵馳道旦築行殿宵營亘帷成屋列幔為城般雲謝巧周日非靈乾行玉輦坤御金輿六宮婉從萬國賓趨鑿鈴響逦環珮聲徐五臣供帳百辟燕醑朱明司辰清和肇節草樹蒙恩禽魚騰悅周歷皇畿軫茲民業遐攬邊關洪思祖烈去遵鸞輅歸泛龍舟山開陽翠嶺川效安流

源出柔情金暢 睿藻揚休枚朔第頌翊贊王猷
展陵曲凡三十二句句四字

思舊邦

思舊邦者歲巳亥

上以

章聖皇太后喪卜宅原陵駕幸承天臣左
遷黃州獲預從事也當漢戰城南

南巡紀臚岳東幸緬懷豐白水循往轍丹陵訪故
宮江漢眺吾楚霜露愴宸衷電奔翼八駿雲興扈
六龍不有居者誰監國 皇儲旦截馳道出翟相

行邊細柳中顧公鎖鑰青門北晝發邯鄲道夜涉
黃河湄軍容肅肅間官儀豹尾後載班姬隨衛火
弗戢漳流半湮憲臣褫爵服邦侯械以狗旌旗蔽
日指樊城簫管具舉豐金鉦父老稽首遮道迎推
牛置酒宴鎬京山川遍喜色禽鳥通歡聲闢朱闈
掃青室思履綦存衽席齋心望祀純德山名間周爰
園寢悽 天顏詔發郢門邁燕關格祖特告鑿輿
還

思舊邦曲凡三十二句其十四句句五字
十二句句七字二句句四字四句句三字

管背漢

管背漢者歲乙巳吉囊犯邊中國王三導之入京師震恐

帝禱于上玄兵未交刃賊就擒虜乃退也

臣在南司勳代太宰草賀章云當漢巫山

高

羯虜驕鷲惟吉囊自稱華裔屺先皇長伎一逞

百不當誰為謀者僧子王愔威藉寵祈

上玄有征無戰神武宣班師振旅歌凱旋

管背漢曲凡七句句七字

寢盟

寢盟者歲庚戌虜擁衆大入胡馬屯於轂下

帝赫斯怒集羣臣庭議采司業趙貞吉言飭兵振旅虜乃退也當漢上陵

庚戌之秋虜大入渡桑越碣踰古北烽火夜照甘泉宮旌竿晝蔽長安陌驅我士女蒙毳衣屠我牛羊為湏食鎮臣氣喪邊將兵弛侵職濫官勤王者死決勝豈有帷中謀主和遂貽城下耻

天子曰集廷臣議日中不決猶素紙蜀郡才華久

稱趙慷慨挺身言致討書生由來劔術疎往繫單
于惟餌表議上始覺

龍顏開司馬授策宗伯舉杯登陴一呼疾聲震雷
胡兒躍馬趨風回羣工獻壽咏康哉

寢盟曲凡二十五句其十七句句七字八
句句四字

海波平

海波平者倭夷間釁辛壬癸甲殆無寧歲
越丙辰司馬胡宗憲受命與司空趙文華
盪平之繫王直俘麻徐等奏功太廟也當

漢將進酒

島夷日本稱最雄髡首駢拇烟兩瞳乘舟截險洪
濤中跳梁若蝶聚若蜂揭竿烈炬耀日紅攻城掠
邑誰嬰鋒紅女休織田無農

帝命祀海惟司空授賑秉鉞有胡公狼兵苗卒集
江東夜縱巨艦突蒙衝俘海繫直奏虜功兔窟鳥
盡艱厥終

海波平曲凡十三句句七字

更極

更極者歲戊午三殿災

帝命新之更奉天為皇極華蓋為中極謹
身為建極也當漢有所思

三殿災雙闕燎

天子避寢厭勝以禱朝右个御西清玉食有減金
懸無聲誰其梓慎窺大庭流烏化雀將焉徵除舊
布新承天意司空飭材俾壯麗宅中建極欽哉從
事

更極曲凡十三句其四句句三字六句句

四字四句七字

遣仙使

遣仙使者歲癸亥

上慕神仙之術遣御史王大任姜儆分道
采訪冀遇異人授秘書求長生不死也當

漢邕熙

周穆窮寰宇漢武慕蓬壺東生遊調笑西母譙懽
愉顛既厯纁幣丰亦在蒲車緩齡韜上藥御氣秘
真符熹端兩侍御將命發天都齊梁歷南楚甌越
盡東吳姓名河上隱物色市中趨金簡探綠籍瓊
笈訪朱書曾未三載還幸與百年俱築館禮上士
授粲出中厨行聞避驄馬歸見綰銀魚稽首願

玉體壽考永無虞

遣仙使曲凡二十四句句五字

考芝宮

考芝宮者歲乙丑

獻廟產芝瑤光映室乃建玉芝宮以時致
享昭孝感也當漢太和

河清社鳴誕聖人握符纘曆靡瑞不臻天垂卿雲
景星現地出醴泉澤曼衍導禾六穗麥兩岐嘉瓜
並蒂連理枝三足軒翥肉角嬉龜鹿雀兔咸素姿
包匭驛貢賚四馳芝草凝祥處處生

獻廟忽產屋之楹瑤光瑩潔秀九莖銅池芝房慈
足稱

帝命作宮時享以報子孫千億昌胤允紹

考芝宮曲凡十八句其十二句句七字六
句句四字

嘉靖丙寅作

姪槃謹校

皇甫司勳集卷之九

皇甫司勳集卷之十

吳郡

皇甫汸子循

撰



樂府廿九首

芳樹

芳樹九華邊春風一度妍飄香承輦路弄影向甘泉綴葉紛千種濯枝幸萬年不作淮南桂空山徒棄捐

臨高臺

高臺望不極臨竚意何窮茂苑花為苑吳宮錦作宮管絃虛夜月羅綺罷春風獨惜烏啼處猶聞曲

怨中

有所思

春風吹繡戶明月鑒羅幃同心阻芳訊千里悵清
暉歌絃塵屢積舞衣香漸微別有關情處梁間雙
鷺飛

巫山高

蜀道連巴水巫山接楚陽情來爲雲雨愁起見瀟
湘楓葉吟秋早猿聲入夜長何能降神女髣髴夢
襄王

隴頭水

隴坂去何長隴水復湯湯咽處堪啼淚流時更斷
腸三秋邊草白萬里戍雲黃辛苦交河使西來憶
故鄉

折楊柳

不見隋堤柳長條大道間絲陰流水去帶影逐春
還妬眉銷翠黛聽笛損朱顏日暮行人盡思君可
重攀

梅花落

早見梅花落江南春未遲如何上苑葉不似故園
枝影怯臨姪夜香憐逐吹時無人問消息獨自寄

相思

關山月

故園千里月流照入秦關
弓影同看曲刀頭未卜
還迷雲度容與映水咽潺湲
莫遣青樓去摧殘少
婦顏

邯鄲行

寶馬邯鄲道金裝遊俠過
一朝罷歌舞千秋傷綺
羅臺榭風花盡郊原煙草多
客心將夜月滾滾向
漳河

昭君怨

含悲辭鳳掖結束事龍庭
環珮從茲遠琵琶詎
聽泣將蛾眉恨仰視旄頭星
獨有長門草猶向夜
臺青

長門怨

長門永夜幽團扇早迎秋
望幸非同輦含情是倚
樓容華翻易歇恩寵最難收
君自觀魚樂寧知妾
淚流

冬宵引

冬宵不易曙耿耿朔風淒沙
鴈寒猶起城烏半未
棲孤舟泊江上征馬渡遼西
豈但金閨裏能添玉

筋啼

烏夜啼

長樂宮中秋夜長美人新得幸君王別館不愁金
作屋曲池無美玉爲梁門前數報公車過樓下時
聞脂粉香總是啼烏聲轉切歡娛那解曲淒涼

江南曲

錦帆西去遶橫塘畫舸携來悉粉妝旭日籠光流
彩艷晚雲停雨淨蘭芳飛絲帶蝶粘羅幌吹浪遊
魚戲羽觴自是江南好行樂採蓮到處棹歌長

春江花月夜

空負芳樓約愁逢江上春月華天外潔花影浪中
新詎是沉珠浦將非濯錦津爭言蘭作舫復擬桂
爲輪圓缺同今夕飄零異昔辰關山猶自隔攀折
贈何因

擬中婦織流黃

金閨方永夜翠袖理殘機燈花斜落鏡月光低鑿
幃寸心共絲斷雙淚與梭揮作伴除蛩響驚眠惟
鴈飛織就當窓素裁爲遠道衣徒令芳訊達不及
早旋歸

擬伯勞東飛歌二首

峽蝶雙飛燕並樓秦樓燕市花成溪誰家玉人當
戶窺含羞釵笑橫波馳寶髻珠鈿明月光羅幃翠
帳秋夜長秀顏皓齒纔十五時向芳筵作歌舞雀
臺露寢生暮雲空留可憐猶爲君

夜烏悲啼朝雉鳴青琴絳樹無限情誰家臨鏡綵
新粧雲鬟刻飾出意長翠屏錦帳花連理洞房仙
居暗香起年幾二七奉下陳光彩流盼姿絕倫春
風東來吹落花綠窓可憐虛歲華

自君之出矣二首

自君之出矣坐令衣帶緩思君如懸蘿纏綿不能

斷

自君之出矣何處不相思在物願爲筋君前無雙

時

岸花臨水發三首

止水如瑤鏡繁花似寶粧爲憐影相照詎是意相

忘

江疑濯錦處花似浣沙人莫逐東流去還待上陽

春

名園紛幾許臨水獨如何所思迷望石欲往會凌
波

賦得處處春雲生

春色藹無際朝雲最可憐
金枝紛映帶玉葉綴聯
翩弄影交疏裏含情飛
蓋邊長安遙向日何處
奉非烟

烏散餘花落

春來啼鳥伴相逐
百花中棲處迷深綠
飛時帶淺紅
祇惜香霏羽非關
嬌惹風回看意不盡
猶自戀芳叢

空梁落燕泥

金閨春色早玉關
芳信賒人歸
翻後燕淚盡
每先

花戶暗香泥積梁
低舞影斜不作
雙飛去東隣
玉謝家

邊馬有歸心

應瑞來宛國
銜恩入漢家
胡兵犯燕塞
驃騎出龍沙
爲報千金顧
寧辭萬里賒
蹄穿朝踏雪
聲斷夜嘶笳
逐北名空在
征南賞未加
詎隨班定遠
生作玉門嗟

夏日湖泛作採蓮曲

雀舫疑杯度
虹橋似帶縈
湖光湛處全無暑
雲氣浮時半有晴
此時流水歌聲起
此日採蓮殊未已

帆迴櫓轉逐橋斜樹裏溪邊是妾家翠裙媿殺風
前葉紅粉嬌於水上花花開花落獨含愁人去人
來不斷遊玉笋醉霞何惜晚瑤華零露易驚秋秋
露蒹葭沒秋水芙蓉歇菱鏡年年非故顏荷衣夜
夜空明月

門有車馬客行贈李少卿

驅車吳趨市被服一何妍叩閣懷敝刺云是李青
蓮家住齊東里裔自隴西傳觀道汶泗上探奇泰
岱間舉手捫星漢躡足凌雲煙昔拜符璽郎侍從
清華班姱行遭時妬修名爲世牽一麾佐宣守理

案有餘閑試問長江練日對謝公懸傾蓋惠良覲
振袖發瑤編瑩如夜光儷粲若春葩鮮且勿出關
去邀君著五千

嘉靖己丑以後作

姪槃謹校

臬甫司勳集卷之十

皇甫司勳集卷之十一

吳郡 皇甫汈子循 撰

七言古詩二十四首

桐君山題贈盧職方江右典試

朝登桐君山下有澄江四遶流潺湲暮謁桐君祠
上有古木一望懸參差昔人採秀山之巔桐蔭未
徙凌雲仙瓊漿石髓世不識丹崖翠壑空年年越
鄉自古窮嘉麗弭節停輶幾留滯嚴陵瀨靜秋漲
沉香鑪峰寒暝煙翳盧君揮斤宇內游昨來奉使
潯陽舟直躡廬峯探奠服又從瀑布挹飛流江山

能使才華盛况接朱繩與青鏡登覽何如司馬雄
文章自是歐陽正君鳴玉珮上金鑿桐葉聲銷日
已殘鍾鼎山林緣底事不須回首憶江干

送尚醫陳通政南還

東風吹花駐芳甸都門此日開郊宴車馬爭來四
岸聞冠裳自結傾城餞借問餞者云是誰為儒十
載方為醫逃名未得潛廬嶽授訣應曾飲上池少
年寵食王官祿白首歸田嘆知足磬折非辭彭澤
腰倦飛欲振祁奚躡由來出處本難同珮玉鑲金
仕已雄君不見男兒讀書破萬卷至今落落猶泥

中

夢二生行

陳與言周詩

憶昔同心友陳生為之首更憶投分交周子逸且
豪陳生奇余言在耳青雲置身果如此惜爾早世
不憖遺九淵慰爾應無悲周子知我雖相新膠漆
不異我與陳睥睨一世爾自許落落誰忘竹亭語
吁嗟二子來夢中鬢毛不改容顏同風塵慘愴旅
服改燈火蕩漾芳尊空綈袍猶戀當年別覺後使
我心悲咽二子一死嗟一生我欲於子知交情

長沙行送胡子

胡子堯時以給事謫長沙簿同事者劉安也

賈生昔被長沙謫湘水千年動顏色弔古空勞憶
芷蘭世途久已生荆棘當今天子稱聖君論恩
豈復如漢文垂裳穆穆日南向銳情稽古非謙讓
直氣常懸青瑣間愁雲更鬱烏臺上胡郎曾中書
萬言夕方拜官朝叩闕劉向况有五行傳挺身悟
王爭繩愆即今亦有長沙行此去應知 聖主情
早晚定膺宣室召肯使人徒說賈生

長安十六夜歌

長安十六夜如洗千門萬戶煙花裏閨中少婦夜
出遊陌上行人忽成市粲粲珠鈿映月來翩翩翠

袖搏風起風前月下逞嬌姿愛惜春花能幾時無
那萸萑先落莢只愁楊柳漸飛絲遊絲飛入黃金
地撲牖穿簾果何意鳳甸常懸禱雪憂鰲山久罷
觀燈戲燈光却照五侯家列炬然膏滿絳紗豈謂
鋪金能作埒亦知剪綵易爲花銀花火樹開佳節
遂令觀者相環列霍氏門墻有後塵魏其池館空
前轍淒涼往事已爲陳恨殺懷春似玉人莫賤蘭
房今夜女故多椒掖舊時親明璫盡結瓊瑤麗袂
服爭看錦繡新襦曳蒞時香散靄襪移蓮處暗生
塵香塵冉冉隨芳步共道非煙亦非霧馳目還憐

梁下期冶容又爲桑間誤闐闐今已羨如雲夙夜
誰當畏行露鐵鎖遙開天上橋漸臺何必待符招
二南倘被翹薪化四海應回廣髻謠

長安行贈陳子克脩

長安昔日花如綺走馬看花事已矣吁嗟歲月無
停晷回首又值春風起陳生久客長安裏按劍誓
將歸故里嗚呼陳生歸且止古來晚暮多豪士桑
弧蓬矢志四方區區肯效兒女子君不見今燕臺
樂劇不賓胡爲哉他年自識公孫對暫時豈爲劉
蕢哀駟馬車黃金印他時乘此佩之去花柳迎人

故山處

憶昨行贈夏都諫

憶昨天王下手敕辨方經野開蠶室稽古真卑漢
未遑銳情直所周無逸王假還宜照日中聖作何
須守明述君不見洄沿川水映柔柔窈窕郊宮護
棘墻玄黃欲獻夫人繭朱綠聊爲公子裳又不見
青壇翠幙藹中田縹駕新從此上旋遂使鯨魚呈
瑞象頓令銅雀頌豐年嗚呼天子勸耕后勸織王
業艱難果誰測七月重歌姬旦詩一朝實賴黃門
力嗚呼今之黃門古遺直抗言朝宁生顏色馬客

逢君時已來豈俟吹噓到上台北郊更起匡衡論
前席遙憐賈誼才男兒志於立功慎自擅掀天揭
日奔雷電退食方依青瑣闈傳宣直至黃金殿稽
首親承玉語溫威顏咫尺君王面書錫綵綸龍鳳
蟠幣頒錦繡雲霞炫紆紫圍金未足榮致君堯舜
應爭羨嗚呼致君堯舜應爭羨

玉河怨

玉河西堤柳青色含煙弄霧金門側水接昆池波
欲流日升翰苑光先得日光照耀九龍開萬騎千
官天上回仗影迥迷飛絮去珮聲遙雜嘒鶯來鶯

嘒皇州春漸暮曳珮鳴珂漫如故物態那禁鱗運
催人情總為繁華誤一夜秋風歇衆芳萍水悠悠
枉斷腸不見曲眉顰舊黛祗聞羌笛怨斜陽

題魏時苗返犢圖

宋趙子昂所繪
評事應果所藏

君不見盜泉水不飲長行寧渴死夷齊共餓魯連
耻古來達節皆如此漢室猶能重禮教茫茫海內
徵廉士火德下衰風斯靡昊穹垢氛蔽邈迤魏亦
有賢曰時子激揚異代仍興起憶昔乘車令壽春
牝牛自足隨吾貧車來既空去何有迢迢不染民
間塵犢非爾駢育爾土安用汗我車傍輪褰裳扶

杖走相送提兒媚婦多苦辛趙公本是清白者
此丹青爲誰寫應子收藏今幾年拂拭素練生雲
煙操持豈羨鬱林石慷慨不但山陰錢賦魚毀象
爾何者常使冰壺照眼前

青州行送褚寶令臨朐

君不見茫茫青州本東土呂公封齊姬封魯海岱
何如四塞雄萊夷自是千年撫方輿星粲子雲箴
大國風存史遷語五月報政齊何神古來平易俱
近民天子上嘉更下樂先王之道非沉淪褚子夙
著三都賦昨奏明堂比韶護天子勞賢眷爾才暫

試臨朐豈遲暮芳桃李羨河陽花甘棠欲滿營丘
樹挽今之齊仍爲周異代弦歌盡如故烏臺仙吏
青瑣郎有時待爾鳴朝陽隴上曾經笑鸚雀棘林
豈足棲鸞鳳迢迢東征出霄漢相送且覆清秋觴

天風行

有客騎驢何處來高巾短褐俱塵埃自言今晨萬
乘出道傍親睹鑿輿迴龍旂遠拂瑤壇降鳳扇徐
承金殿開文工武僚皆肅穆秉笏鳴珮趨蓬萊先
生落落何爲者抱書獨臥蓬蒿下長卿猶陪上林
從子雲亦扈甘泉駕君不見邇來白晝天風高沙

飛礫走人叫號出門舉步動齟齬何如閉門與子
且覆杯中醪

明禋歌送朱子隆禧捧詔南邦

天王王詔宣金鑾黃章粲爛龍麟蟠行人之官捧
之出翰軒直下青雲端惟時朱子意氣盛昨方拜
職今拜命長卿能無諭蜀文仲宣亦有浮淮詠君
不見帝王龍飛今九年夢寐堯舜遑遑焉稽古真
卑漢文讓陳疏更遇匡衡賢聖謨豈俟卿士協况
爾龜策開其先遂使北郊祀地南祀天朝日夕月
東西偏儀文匪徒守宋末制作直欲凌周前辨方

畫野此經始勿亟還應庶民子圓丘峩峩睿想建
惟城日射瑤壇紫君行要俾萬姓知王者明禋本
為爾

長安二月雪後歌

二月欲破春過半六霰猶自飛零亂塵氛四野鬱
昏霾瓊瑤一夜堆璀璨沙柳含煙未吐絲宮花壓
雪空成慢甘澤應懸畎畝思疑寒更起衣裳嘆天
意從來未可諶物華奈爾無由翫君不見寶露新
傳楚國來銅盤捧出龍顏開齋心萬乘躬郊祀稽
首千官進壽杯嗚呼古有災祥說昨冬胡露今胡

雪博極真憐劉向才條陳詎職匡衡訣尚賴金門
燮理臣好調玉燭太平春朝中自是咨虞嶽海內
何須憂杞人

塞下曲壬辰仲冬許中丞畧地紫荊賦此寄
之

旆旌悠悠班馬鳴中丞十月行紫荊易水冰堅夜
可渡陰山雪積雲爲平毳幕遙懸徼外落烽火直
接單于城候城獵獵天風高墮指裂面吹如刀草
宿寒侵壯士鐵露下霑濕將軍袍袍袖音書字不
滅蘭閨玉筋空啼血朝廷本望樹功勲關塞那應

怨離別天子臨軒試三輔中丞秉鉞巡行伍落日
籌邊上封事衝霜與卒同甘苦男兒龍額志封侯
勒石須盡燕然頭羽書瀚海昨猶急金繒和戎非
遠猷玄冬願挾諸士纊紫貂肯獨家輕裘君不見
在廷頗牧文臣擅一范能令虜心戰別墅或校謝
安棊理案常披左氏傳鎖鑰由來重北門衣裳自
是垂南面此時月向隴頭明蘆聲吹入漢家營昭
王臺上中丞帳可使門無孺子纓

秋風嘆

秋風浙瀝秋露微爲君今夜擣征衣花從金素變

鴈向玉關飛，驕虜尚未破。征夫何時歸，總使君身
貴，寧知妾顏非。忍爲麒麟閣，棄捐鴛鳳帟。

南粵行

南粵由來本受降，置亭列障賜稱王。丹砂歲歲通
勾漏，白雉年年獻越裳。曾是金縉忘漢德，也因玉
帛阻炎荒。炎荒迢迢限疆土，君王中葉恢英武。校
獵誰云漢武雄，安民不讓周文怒。昆明習兵深鑿
池，細柳行營遠勞師。羽檄流星飛甲冑，樓船橫海
蔽旌旗。樓船羽檄下，繽紛刁斗銜。枚處處，聞甲冑
夜開魚麗陣。旌旗朝合虎賁軍，神謨不戰已威加。

陀王納款遂踰沙，指顧泰山盟作礪。并吞瀚海化
爲家，馬援功期勒銅柱。捐之議寢棄珠崖，珠崖銅
柱古如此。瘴癘氛祲萬餘里，奮身欲屠象郡城。膏
血直濺龍門水，始知陸賈善行成。肯學張騫虛奉
使，留滯周南望九重。請纓天北恨無從，六月凱旋
歌薄伐。一朝書奏願登封。

淮陰行

君不見王孫未遇釣，淮陰相留一飯是恩深知已。
此心懸白璧，封侯他日報黃金。黃金黃金匪爲薄，聊自
意所託。咄嗟蓐食兒，椰榆覆羨鑊。韓生將畧本多

奇可憐猶受婦人知若非仗劍從英王徒然執戟
老明時

採蓮曲秋日經濟寧萬水曹招讌池亭作

朱英翠葉儼仙葩繡浦金塘特著花漣漪江畔明
秋水的樂城邊綴晚霞晚霞秋水正芳時桂撒蘭
舟處處移舟移苗苗波間動檝遶芙蓉鏡裏披本
緣傾蓋追歡宴翻作牽裳送別離夫君自是軒冕
客不惜瑤尊永今夕試問看花限北津何如折柳
停南陌折柳思應長看花愁更積醉君羅綺筵爲
君歌採蓮蓮花萬種出吳閫歲歲年年狎景光此

日荷風迎素扇此時蘿月照新姪可憐共蒂邀同
伴勿願飄蓬在異鄉濟上相逢華已暮菱歌一曲
斷人腸

秋鴈篇寄故園兄弟

虬分銀箭夜鴈度玉關秋隨陽向蘭時依暖背蘆
洲蘆洲蘭時總堪棲霧裏霜前陣不迷避繳空聞
來塞北傳書幾見下遼西西去南來嗚嗷嗷顧侶
携羣更多少也思映月集通宵也怕因風失清曉
風飄折羽遂分行不及迴翔在故鄉一枝自合同
荆樹萬里徒嗟媿稻梁

使回歌

詔命因山啓地藏珠丘卜在翠微陽黃圖翼翼千
峯拱玄灞悠悠一水長聖世有爲昭有象王情無
逸恤無疆惟王制作紛何已土木之功從茲始別
館離宮相蔽虧複道迴軒亘迤邐獻節乘輶遣使
臣徵材取木下江津吳越錦帆懸子夜秦淮寶馬
繫青春也知桐梓生南土也知松柏稱嘉樹一朝
際遇棟梁成萬年封植煙霞扈自甘瓠落本無庸
肯隨輪困託先容夕向綺樓瞻五鳳曉叩朱闈排
九龍九龍金鎖玉關開芙蓉新殿儼蓬萊橫汾初

返巡遊駕宴鎬方行慶壽杯共言帝幸多仙從
武應憐臣朔來

早朝獻儀曹家兄

南去北來年屢換側望長安倚增嘆五雲還詔入
金門八月乘槎渡銀漢銀漢迢迢秋夜長玉河清
淺映明光却看濟濟夔龍會爭羨雙雙鴻鴈翔

結交篇贈張兵憲

昔奉翰軒使因參幕府前今承江海謫持贈結交
篇交情安可見翟門署貴賤金蘭更結此時心瓊
枝豈異當年面旅迹徒嗟兩度來世事那知一朝

變也悲昏夜盼明珠却向西風泣團扇相逢岐路
已堪哀况復相思隔楚臺試問張華敬愛客何如
李白獨憐才河干輟棹多容與城隅張組屢徘徊
徘徊南浦意何長見說東山召繡裳却羨雙鳧入
霄漢爲傳尺鯉到瀟湘

送張子還廣陵

張子別我黃鶴樓飄然騎鶴歸揚州駕言返吾初
服去安得爲此斗粟留君不見嵇生疎散長卿慢
不善希世稱巧宦獻玉明時祇自悲投珠昏夜遭
人盼聞說淮南桂樹芳澄湖一曲似滄浪莫須北

闕徵書下自許東山隱興長

張明府送吳釀戲作短歌

君不見閶闔朱樓十二開酒旗高結綵雲隈誰家
寶馬非留住若箇金貂不換來吏部甕邊狂亦甚
文君鑪前嬌可哀此時新釀勞相贈此夕鄉心醉
裏迴

嘉靖己丑庚寅辛卯壬辰癸巳甲午乙未

丙申丁酉戊戌己亥作見政學浩歌副京

寓黃集

男琳謹校

皇甫司勳集卷之十一

皇甫司勳集卷之十二

七言古詩十八首

化蜀行送周子顓提學

吳郡

皇甫汈子循

撰

使君結駟引華軒
抗旌西指靈關門
衆賓引餞且莫起
聽我揚摧巴蜀始
黃苗帝裔蔓本支
蟄蟄叢魚鳧爰肇基
儀兮城太啓都會
冰也疆理饒沃滋
叔世漸革密促政
晚蒞乃被中和詩
置酒宴樂從禽荒
郤卓餘風稱難治
銅梁玉壘靈氣開
碧鷄金馬神降來
貝錦黃潤產奇貨
木蘭丹青紛美材
靈氣

日以宣哲士日以繁相如作賦準騷經君平著書
道德鄰揚子深湛秘玄旨王生曄曄流英聲使君
夙齡瞻芥藻含章下帷劇幽討恭承嘉命辭天庭
奉揚文思振南表鑄人自有左父術化俗更似文
翁造雅儒濟濟升君堂齊魯斷斷茲足紹錦官城
外錦江流浣花溪邊花可遊高樓結綺宛然在琴
臺卜肆今尚畱馬蹄豈憚劍閣險猿聲忽報瞿塘
秋瞿塘秋已晚思君路方遠敷教向岷峨探奇到
處過萬里欲識凌雲思三峽遙聞流水歌

廣思行

長兄造思舊賦乃歌以廣之

美人奄忽委明艷冰心恍記芙蓉面麗鬼香魂何
所棲婉態柔情獨不見青樓朱戶生網絲文軒綺
窓虛履綦誰家窈窕出新姪當筵一顧情內傷名
姝絕代本無二玉顏祇訝前身是歡笑千金歌舞
場欵歎萬種悲悽地冶容髣髴已驚盼新聲靡曼
復增嘆陳思總謂洛神奇漢武翻疑少君幻多情
宋玉起獨立衆賓無言主鳴邑翠袖全迴燈下羞
青衫半沾座中泣門前柳色慘江煙檻外飛花隔
楚天請看今日勞相憶莫向他年畱可憐

昔日行贈許應元使君

昔日與君相別處越江一夜秋濤去今日與君相
見時吳宮三月春風吹人生聚散何草草春來秋
逝傷懷抱轉盼流光安可知策足要津苦不早少
年避世漢廷中俛首潛郎畫省東不事簿書羞問
馬空將詞賦擅雕蟲賈生果遭絳侯妬汲孺亦被
公孫怒謫去竟銷湘水濱歸來淚盡燕城墓敝廬
蕭蕭落日曛高車門外過續紛已掃松蘿謝逋客
猶隨軒冕對夫君夫君倜儻青雲器奉節聊爲蒼
水使酌酒何關世上情論文且發囊中秘白首相

期在令猷榮名莫遣爲身累君從北闕謁丹墀
守南山偃桂枝詎堪玄度孤明月却照楊朱兩路
岐

夏時對酒歌

春光奄忽朱明移華丹委謝柔綠滋白日幸長走
苦熱清夜跼短坐忘疲美人邀我入蘭室臨池伏
檻待月出左宦空嗟軒冕年間居忍負琴尊日萬
物萍浮無定蹤一身瓠落竟難容江邊冉冉老將
至世上悠悠時未逢文章自古俱寂寞富貴何如
且行樂雲夢徒誇獻賦田天祿終慙校書閣黃金

為壘白玉漿朱絃錦瑟泛清商若為勸飲須酩酊
我為高歌生慨慷明月漸昇燭方滅涼颼徐來纓
欲絕莫愁殘夜已栖鳥但恐先秋早鳴鳩

今辰行五月十二日先君忌辰作

今辰何辰心煩傷無言竚立涕霑裳悠悠蒼天安
可問蕭蕭玄寢神如將憶昔承恩拜家慶初筵白
髮雙相映採蘭不顧尚書期及瓜每後君王命
此時嘉賓四座傾滿堂宴笑春風生繁絃促柱發
雅奏白華朱萼敷鮮英人事分明有代謝慶者在
門弔在舍申伯虛傳崧嶽靈方朔奄隨歲星化高

臺垂雲為我陰密室含霜詎知夏昔日千金獻壽
人今翻上食總帷陳悲風南來少寧樹頽波東逝
不廻津以此思哀哀更泣亦知予告何嗟及豈復
殷勤杯酒歡空餘髣髴畫圖看黃門且念奉母去
清河欲誅痛才難

閩闔行贈朱大理

少年為儒不習吏 天子試政謁廷尉耳剝刑書
非所堪手持法律了莫謂是時朱博材過人平反
輕重稱絕倫讞常八九中意指談每一二相開陳
冉冉府中趨獨久迢迢忽拜遐邦守萬里驅車仗

此身一朝投劾遭多口世事升沉安可知人生聚
散更難期海內萍蹤各飄轉天涯柳色幾相思我
本與君同里閨十年不寄雲中翰閭闔門前會面
時把臂道故兩增歎自言彭澤早歸來却笑平原
尚羈宦看君遺世有高情失路何曾氣不平薄暮
乘舟入湖去似聞撫缶作秦聲

荅洞山人惠鏡囊歌

山人以寶刀持贈司直家兄乃製古歌誦之奇
鋒厲鏘雖價重三鄉續句雕章亦氣雄百代所
謂金錯英瑤報施亦稱矣間以鏡囊一枚餉僕

戲曰物則細耳才復劣焉是故短歌微吟不
能長也

我有古鏡字明月愛惜相持走燕闕少年被服方
冶容矯首勝冠正玄髮此時明鏡炯無塵一片銀
華四座春青鸞每開寶臺曙丹鳳雙盤玉匣春山
精辟易不得近嫫母羞窺何敢嗔願葆明光虛室
裏絕勝冰壺與止水察見淵魚似不祥况復蛾眉
最相忌周郎解贈錦綺囊繩窮緘發迴龍光誰家
窈窕濯素手當窓刺繡結衷腸規形恰與美璧合
藻艷巧奪菱花妝由來尚象乃成器拜君佳貺感

君意姱行驚時亦易汗神物深藏豈輕示守黑須
從老氏謨用光却笑嵇生累與君結交肝膽見世
上紛紛盡如面一朝慷慨愛已捐萬金揮斥心能
賤皇生佩囊如佩韋韜精埋照承餘輝

觀唐太史吳門射歌

君從弱冠起明經文藻爭先掞漢庭蘭臺給劄因
成草石室紬書屢殺青此日公車承寵渥詎言金
馬棲方朔昨來上疏批龍鱗不獨談經折人角翻
疑君厭承明廬詔令歸就碧山居減盡瘦圍憐沈
約病多消渴類相如隱姓潛行吳市東却求劍術

想英風擊筑夜宿專諸館袖錐朝過闔閭宮清秋
獵騎平原上白日張侯矍圃中左肘能教置杯水
右手引弓輕發矢風前報道百葉穿雲際驚看兩
鴻死是時觀者愕相嚮我亦心雄氣增壯灞亭醉
尉苦莫嗔漁陽老將嗟推讓聖主同時最好文諸
賢幸廁從官羣那知好惡多更易况兼蹤跡有離
分公孫客館丘墟甚鄭莊推轂遂無聞但云海外
求方士更傳天上出將軍勿向長門奏辭賦請從
遐塞勒功勲

林酒仙歌

君不見昔日林師東習禪常時乞食闔城邊牀前
不學維摩坐甕下翻同吏部眠從此市人皆識姓
醉呼酒仙師每應通好何須法器貽相逢但遣香
醪贈飲者家遭雷電來延師秘呪不爲災驅石遙
從洞門至返風曾渡太湖迴梅侯爲郡有賢聲雲
漢勞思濟衆生鉢內龍鳴晨作雨錫邊虹見晚移
晴君不見自古異人多變幻葛陂神應偏能慣左
慈却被世主嗔長房亦受諸魔鬼弟子傳燈生道
晤歷歷猶能語平素已知前是辟支身安用親承
刺史顧我歌酒仙爾試聽處世由來忌獨醒爲問

六牙求證果因看萬物若浮萍嘯別虎溪携策去
莫向羅天苦誦經

壬寅歲除歌

端居冉冉速流光往事悠悠耿不忘擊劍總爲行
樂地鬪鷄曾結少年場晚慕詩書才十五因耽文
史三冬苦夜見螢飛車氏囊朝看魚出菜蕪釜從
此家園懶不窺長無鄉曲譽相推且甘寂寂龍蛇
臥安用區區燕雀知一朝謁帝承明上不慣隨人
走俗狀言將調笑恐侏儒謂可優游取卿相轉盼
今經二十年循跡誰知事不然由來直道時方媿

重以修能世豈憐浮湘賈誼空投賦執戟楊雄獨
守玄君不見朱雲四十始改節遠從博士受易說
逢時吐膽漢廷中遶陛爭呼丹檻折又不見山公
四十起郡吏投傳羞爲部從事遇主遂廁三公間
總揆還稱百官治我却無聞強度春宦游減產久
沉淪未果官階能復祖非關郎署可潛身坐驚芳
歲明朝過爛醉香醪勿重陳

送顧子懋涵應貢北上

尚書
麟子

古來江左多英烈顧榮人望尤超絕班生豈好純
袴間公子能持布衣節早年作賦思凌雲同時幸

遇 聖明君未果先容因狗監徒然落鳧在鷄羣
一朝起就賢良薦却向金門請褐見橫經論難諸
儒前夾陛惟聞 帝稱善此時折角動朝紳還須
吐膽奏天人爲語洛陽新進者更誰得似晚平津

天津荅子安兄

別家五月渡江水棹拂炎雲入淮汜行殘六月臻
衛流涼飈一夕秋聲起眼中金闕已在望手持玉
盃喜相向聞道長安有狹斜明朝走馬踏晴沙莫
將潞水橋邊柳看作玄都觀裏花

天津對月歌

天津城外海潮生楊柳隄邊月正明岐路終朝堪
下淚關山此夜倍含情昨見光流金闕裏分明影
俯瑤臺起懷璧虛從上國來投珠莫向都門倚迢
遙蘭槩旅人舟寂寞羅幃思婦樓失寵翻憐圓似
扇和光祗恨曲如鈎自同烏鵲枝間戀那知蟾兔
須臾變秉燭南皮尚雅游飛蓋西園憶芳宴幾許
清暉三五期爭得朱顏二八時且共高陽縱飲去
安用成都訪卜為

太平隄行

余兄子安金友蔡子木皆南移法曹而余

亦淹水部徃省家兄時一至焉既而出
越憲間因蔡子徃者月僅再至耳蔡復考
績北征經月不一至也偶過茲地山色湖
光宛然在目鴈行鳳侶悵爾離羣延佇久
之賦詩展意

太平門外古崇隄嘉樹扶疎夾路垂負郭盡為芳
草地沿湖直遶白雲司當時王貢總儒才况是承
恩北闕來御史府中烏半宿尚書門下騎雙回青
山幾度朝陵節玄水曾流袂洛杯鳴珂再過平沙
道問舍多為後來少已看奏賦甘泉宮每憶傳詩

臨海嶠驚心歲序易經春舉目湖山宛自新含香
不覩遊蘭客息影徒逢愛樹人由來聚散皆無定
欲寄相思那可因

送駕部王子督楚學

中興文運應圖開聲教遙知薄海迴共看濟濟多
周士更道彬彬悉楚材楚鄉今上龍飛地代來
總是攀鱗起里社鳴時河正清鑿輿幸後雲常紫
騷壇屈宋本稱雄誰爲操斤向郢中明堂豈羨菁
茅貢江漢先歌棫樸風奉揚德化勞宸眷蜀郡王
褒被嘉薦藻鑑曾推吏部郎才華况屬瀛洲彦君

不見伯樂不生良驥缺鍾期死後朱絃絕曲學翻
爲弟子嘲離經徒守迂儒說作範如君夙出倫文
從三變一朝新道傍散木猶蒙顧徑裏幽蘭併沐
春寄言和氏私相喜千載今逢辨玉人

佩蘭引謝友人惠香

星漢沉兮月華沒窈窕玄亭夜無色海上仙槎去
不歸夢中迷路常相憶美人尺素遠寄將玉函未
啓先生香謝家羅囊豈郁烈楚臣紉佩空流芳蘭
麝何須煉寶鼎芰荷早已凋金塘思昔吳宮爛如
綺璇館娥媯閨妍美鑪內常燒百和花腰間不斷

三薰蒞芙蓉帳暖籠芮光薔薇樓高棄脂水裊裊
輕烟飛四時藹藹香風度十里那知麋鹿臺畔遊
尚愛驪龍沫中死芝室猶途化有因願把清香託
君子

七夕嘆

朱明早謝清商變衡紀年華通如箭新月初懸天
上鈎寒濤欲湧江間練玉井輕銷桐葉聲金塘細
委蓮花片嗚嗚不斷綠陰蟬去去誰留紫泥燕沙
塞音書催擣衣綵樓風物羞穿線鏡中潘髮飛素
絲篋內班腸裂紈扇撫幙空房妾更悲驅鞍遠道

君應戀試看星牛夜度緣可恠人情重相見

陪都行

以上三首
初時作

陪都八月夜氤氳名姬結伴遊纈紛明珠為珮曳
綵裙臨風百和蘭葭薰篋篋輕調聲遏雲當筵嬌
舞歌向君君不見朝霞難挹日易曛三五月缺江
水分何如金尊美酒常在手與君及時聊樂員

嘉靖庚子辛丑壬寅癸卯甲辰作見安雅
司勳集

男琳謹校

皇甫司勳集卷之十二

皇甫司勳集卷之十三

吳郡

皇甫汈子循撰

七言古詩十七首

憶昔行寄徐公子

憶昔金陵高會時東南玉樹滿留司淮水橋邊看
飲馬石城門外待張帷白日陰霾不常好衝颺激
霧移蒼昊自信蛾眉肯讓人誰知豺口橫當道黜
陟徒聞吏部尊模稜頗咲尚書老六七豪貴皆無
恙二三賢雋翻凋喪張翰歸來減宦情謂張顧榮
死後嗟人望謂顧此時意氣不能平慷慨先懷撲

被情北海羞稱男子輩西州寧避黨人名一朝聚
散胡容易眼前得失須臾爭酣飲莫問黃公壚悲
歌猶記荆卿市從來勢利不相和輸心安用結交
多牛首山中空歲月燕磯石上幾風波寄語翩翩
魏公子侯生別去奈愁何

金陵還客歌贈周以言

有客近自金陵還嗔余特造竹林間別日無多江
上夢秋風忽改鏡中顏彈鋏悲歌橫義氣班荆坐
語都門事翻覆人情谿壑同榮枯世態晨昏異悠
悠誰復爲憐才落落何須久懷刺君不見昔時江

左重名流一朝燼滅隨荒丘徒令戶外容雙戟安
用車前引八騶青溪遙接烏衣口舊宅垂楊幾存
否陳遵那顧尚書期阮籍惟耽步兵酒白首猶逢
梁國人傾心詎信平原友歸去何如謝世牽六關
不入最稱賢莫將一掬羊曇淚灑向西州岐路邊

河湟行

傷曾公
銑也

君不見高帝除克淨朔方我文親亦御戎行徵兵
盡選三河少校士爭收六郡良萬騎旌旂紛蔽日
千羣組練凜疑霜平胡破虜號將軍耀武宣威志
立勲陣前殺氣驕難近幄內奇謀秘莫聞一朝受

脈指烏丸百戰長驅事馬鞍雪晦陰山乘夜襲天
橫北斗向南看按轡俄傳勞細柳飛書已報下臯
蘭君王神武由天錫都護材雄總無敵膏劔朝屠
老上庭銜枚晝奪匈奴壁鑿空開域路應賒置亭
列障遂踰沙博望從來能許國嫖姚自誓不言家
奏凱班師截海外共賀黃圖亘地界銘功刊石紀
龍飛解辯蒙氊羅虎拜此時高會坐明堂登歌獻
壽樂無疆越雋探輸陳異物巴兪角抵視夷王世
變堪嗟已巳間白登愁覩翠華還不聞更上金城
畧但教常閉玉門關王者之寶在土地辛苦成功

可輕棄先皇遺却平城憂謀臣徒守珠崖議百年
慷慨有書生每過涅中氣不平非求燕頷封侯易
翻思馬革裹尸輕不識忌諱爾何簞可憐身死名
俱喪朱生肯訟伏波寃魏文猶寢中山謗只今邊
徼有煙塵寄言韓相好和親縱使分麾思命將不
知投筆竟何人

石河將軍歌

蜀人王戶
部詢乃翁

將軍書劍學俱成百戰長驅亦慣經羽角時時持
候月旄頭夜夜起看星曾宣威武驚巴檄欲樹功
名向虜庭一朝解甲承平後萬事投壺飲美酒但

教開逕撫孤松誰復行營勞細柳道家多忌古來
知隴西難封數本竒爲問藍田屏居日何如錦里
賦歸時石河遙通古城北少陵草堂猶自識舊說
雄稱白馬間今來翻臥青羊側郎君文藻子淵流
耻居紈袴漢廷遊丹鳳俄傳地寵詔貂蟬還見出
兜鍪啣恩正值古稀年稱觴獻壽石河邊河水長
流石長在無須辟穀訪神仙

時錢謚

丁戊同吳中奸行腐錢乃不民謠而諷之

先王通貨興民利遂令圜法相更制周室曾聞九
府開漢京盡是三官隸小大品隨壯幼差輕重權

兼子毋倍從茲鼓鑄何代無五銖半兩肉好殊不
言改撰堪稱馬却道能飛始號鳧我 明稽古誇
周漢上林徃徃緇朽貫銅山禁弛盜詎亡穀雜愈
多法滋玩爾來民風日偷薄罔市吳趨行濫惡形
如榆莢僅有文堵中縊環已無郭三五持來乃當
一百可僅寸萬盈索博徒爭取擲地殘鬻夫手汗
因風落生可使治神可通赤仄竒文空罷閣官視
民姦聽之便但遣黃金入私橐織巧輕剽時共珍
木疆厚重將焉託君不見珠玉沉埋瓦礫全鑛錫
爲鈍鉛刀銛申椒久謝克帟後蟠木翻容萬乘先

古來棄置人同此何訝區區物亦然

還硯歌為長兄賦

長公甲誕歲逢酉嘉賓四座稱觴後周郎手持一
片石殷勤為獻千金壽玉質溫瑩眼復明霞彩爛
耀鏗然聲主人拜受比瓊玩置之几案煙霏生科
斗古籀鐫虬形色絲妙句如盤銘客從遠方羅雀
至呼兒取出題鳳字寶硯凋磨多苦辛銀杯羽化
須臾事主方懊快客不歡墨卿寂寞賴人棄神物
豈無呵護靈依然得自吳趨市君不見明珠合浦
有時還楚弓知在郢門間由來喪馬何須問且更

籠鵝一解顏

秋日周山人見訪醉酒歌

自余還北山惟堪臥南牖掃軌何須長者通著書
已擬潛夫就門題貴賤感交情不逢親舊話平生
秋水聞君艤舟楫荒園一為款柴荆此夕涼風度
虛幌少焉微月湛華楹開顏命醇酒潤耳發哀箏
人世難并易別離試從今日憶當時座上應劉成
異物林中嵇阮邈幽期末路冥鴻翻折羽臨風華
萼詎同枝清尊夜飲如辭醉明鏡朝來視鬢絲

昔時行贈王亮卿下第之松江謁劉侯

昔時邂逅長安道下馬通名何草草今來會晤闔
城傍把劍語故俱茫茫問君何來西出秦拂君衣
上洛陽塵顏凋但使友人識金盡徒令妾嫂嗔君
不見吳王宮闕荒蕪久世事何如飲醇酒新月正
照鹿臺花離心欲贈華亭柳男兒快意須目前安
用餘名潤身後蒲鞭爲郡有劉君驄馬風流迥不
羣江上鱸魚逢正美客中鶴唳更堪聞莫嗟失路
無知己行見張華薦陸雲

出門行

君不見李生出門仰天笑仗劍直走長安道又不
見蘇季還家人盡輕敝裘再入咸陽城丈夫義氣
橫雲海跼蹐寧爲轅下態白璧凋磨美益光黃金
百鍊精還在身若藩羊觸未安心同塞馬達能觀
人情谿壑非云險世路風塵本自難魏尚朝闡起
代門夕看持節擁朱軒解道聖明能使過須知感
激爲啣恩

俠客行席上贈吳子

臘月金陵有俠客雪中訪我長干陌雙樹初彫惠
遠林六花正覆袁安宅杯酒相逢總夙緣江山轉
盼空陳跡聞君明發廣陵遊淮水孤帆重倚樓二

十四橋何處是思心隨夢到揚州

壯歌行

君不見男兒生年二十好任俠落鬼何曾問家業
暫從喪舍給吹簫肯向侯門坐彈鋏相逢寒士解
金裝悲歌同醉酒鑪傍上蔡總爲牽犬地平津俱
是鬪鷄塲一朝折節誦詩書三冬已足五車餘落
筆言詞妙天下拔劍義氣薄雲衢歲中超致大夫
位才高奈取公卿忌報主寧須顧一身使我但不
登三事世情翻覆有波瀾崎嶇蜀道未云難讒言
興處憎蠅口峻法持來咲豸冠誤染凝脂身遂枉

徒抱憂心誰爲諒摺溺猶可干秦君髡鉗却是中
郎將自古成功四序遷詎知倚伏有時旋仲文枯
樹非全死長孺寒灰亦復燃可憐禍福遞相因堪
嗟貧賤不相親安用先啣灞陵尉祇應長謝翟門
人

鼎孫子貽古鏡歌

美人貽我古明鏡月可擬形水擬瑩拜受何如懷
璧歸相盼豈異投珠贈面拭銀華若發型背錯雕
文恍難認蟲蟠蚓結秀色斑博物云自開元間繩
窮緘啓四座朗整冠省帶愁人顏少年被服多冶

艷盛飾入朝觀者羨蛾眉詎知衆女嫉纖腰翻承
後宮譴世途黥黯不堪陳癘魅縱橫畫向人却詆
林宗虛秉鑒爭言柱下只同塵從此年華顛顛盡
經月忘沐耻榮進映玉都非裴楷容素毛漸改潘
仁鬢君不見徐卿持節邁湘潯李生一鏡價千金
嘉惠慷慨情猶古短歌流傳稱至今媿我微才響
誰嗣荷君末光良自欽世交紛紛總如面何以報
之惟此心

觀拜月舞詞

金尊酒半銀燭低玉容

如勝筭樂府翻成拜

新月當筵試爲舞前溪麗從洛浦逢應該媿
城笑定迷纖腰乍動衣聊整巫女行雲暗窺影垂
手却立身稍斜西子臨江照浣沙香袖輕迴若飛
雪石樓欲墜蘭芳折紫瑜滿地塵詎揚華簪四座
纓俱絕同時女伴爭學舞綽約妍姿誰獨數束素
曾令餓楚宮裙皺偏能驕漢主蓮花旋處婉龍游
目馳鳧藻夜淹留若教嫁作盧家婦快意今生莫
解愁

虎丘贈別朱督學之閩

朱君衡先
兄同年

五鹿談經謂絕羣一朝折角有朱雲繼組儀曹咨

典禮承符閩越佇敷文路出汀漳百川會水從星
漢九溪分遙辭燕闕過江來暫駐吳門訪鹿臺祇
樹秋紆使君節慈燈夜引故人杯昔君召對承明
殿平原曾亦參嘉薦班荆舊事那可論宿草交情
今始見人生塵跡本無常一嬰世網更堪傷試問
前因并後果何言雌伏與雄翔君不見生公說法
超玄晤石壁猶聞鬼神護况是章縫洙泗徒坐使
弦歌遍儒素又不見吳國干將十戶珍靈池千載
淬猶新爲向洪鑪探劍術何似菁莪廣鑄人

貴竹道中贈別汪光祿

尚寧

憶昔走馬長安道與君看花金年少別來歲月那
可留老至風波已難料君啣新詔謁明光余始驅
車入瘴鄉曾記碧鷄揮手處願爲黃鵠共高翔

默遊園歌贈李侍御

漢武雄圖歌底定西京得人號全盛蕭朱結綬美
同升王貢彈冠許相慶建安才子數應徐陳阮同
時託後車清秋飛蓋追隨夜良燕哀箏潤耳餘我
明中興逢 聖王海內賢豪盡羅取尚書門下期
不來宰相閣東延始聚共知舊事已更新誰謂今
人莫如古李君文藻玉堂才晚乘驄馬入蘭臺忽

看西狩從遊日正值南閩奉使回止輦故鄉宸眷
久召君立拜荆門守後宮慣是妬蛾眉滿朝况易
傾蠅口拂衣一朝辭楚關思君萬里望蒼山可憐
素髮俱凋盡且喜清揚得再攀柱下園居守淵默
邀我開尊坐泉石屈指交遊半不存灰心勲業都
堪釋媿我蓬飄空歲年微官瓠落尚風煙因君欲
謁多羅偈出却人間煩惱緣

雙劍歌題贈應二

中丞弟也相者云再獲寶劍則貴矣果連得之

建安才子稱二應于將鏌耶雙發劓一朝操割登
天府萬里揮鋒靖炎土季也韜精意氣雄自同飛

景處囊中每夜拂霓看北斗有時彈缺向秋風憶
昨工書謁金馬裘敝歸來客東野道逢異士笑且
驚知君豈是悠悠者古來神物遇亦鮮龍光再合
猶堪羨函谷終符唐舉言豐城却訝張華辨卽今
邊徼有妖氛好提三尺立奇勲贈語王郎須感激
功成爲報呂生聞

嘉靖丙午丁未戊申巳酉庚戌辛亥壬子
癸丑甲寅乙卯作見山居禪棲栢州南中

集

男琳謹校

皇甫司勳集卷之十三



